

據商務印書館一九三六年版重印

四部叢刊三編（三四）

墨莊漫錄

宋張邦基撰

小字錄

宋陳思撰

丞相魏公譚訓

宋蘇象先撰

上海書店印行

上海福州路四二四號

上海影印廠印刷

四部叢刊三編子部

墨莊湯錄

卷一至卷十
附校勘記一卷

上海涵芬樓影
印江安傅氏雙
鑑樓藏明鈔本

墨莊漫錄卷第一



僕以聞見慮其忘也書藏其篋歸耕山間遇力
罷釋耒之壟上與老農憇談非敢示諸好事也
其間是非毀譽均無容心焉僕性喜藏書隨所
寓榜曰墨莊故題其首曰墨莊漫錄淮海張邦
基子賢

范蜀公乞致仕章四上未允第五章言臣所懷
有可去者二謂言青苗不見聽一可去薦蘇軾
孔文仲不見用二可去章既上遂得請

張宣徽安道守成都眷籍娼陳鳳儀後數年王
懿敏仲儀出守蜀安道祝仲儀致書與之仲儀
至郡呼鳳儀曰張尚書頃與汝留情乎鳳儀泣
下仲儀曰亦嘗遺尺牘今且存否曰迨今蓄之
仲儀云尚書有信至汝可盡索舊帖吾敬觀之
不可隱也遂悉取呈韜於錦囊甚密仲儀謂曰
尚書以剛勁立朝少與多仇汝母以其黷公乃
取書付鳳儀并囊盡焚之後語安道張甚感之
王張姻家也

東坡在杭州一日遊西湖坐孤山竹閣前臨湖
亭上時二客皆有服預焉久之湖心有一絲舟
漸進亭前覲粧教人中有一人尤麗方鼓箏年
且三十餘風韻閒雅綽有態度二客競目送之
曲未終翩然而逝公戲作長短句云鳳凰山下
雨初晴水風清晚霞明一朵芙蓉開過尚盈盈
何處飛來雙白鷺如有意慕娉婷忽聞江上弄
哀箏

并郡宅後池光亭臺上白公繪世傳白樂天手

植也

此朱勛進后事首有脫字
以上是一事創造以下別是一事

創造二大舟費八千緡以獻時常潤問河渠淺
淤重載不前乃先繪圖以聞宸翰賜石名神運
昭功敷慶萬年之萃時人莫不目擊余時初至
吳中亦獲一觀是秋方至京師詔置于艮嶽
範純仁堯夫丞相薨禮官謚曰忠宣考功鄧忠
臣議曰每思捐身而開策嘗願休兵而息民祇
知扶危而濟傾寧恤跋前而疐後又曰諛言亂
國而明蔡確之無罪姦黨投石而謂大防之可

原當衆人莫敢言之時在偏州無所用之地義
形色正憤激至誠非特救當世正人端士之織
羅直欲戒後世亂臣賊子之迷國徇公忘己爲
國惜賢又曰父母之國有時而去股肱之義於
是或虧放之江湖忽如草芥紉蘭澤畔更甚屈
原之忠占鵬坐隅已分賈生之死又曰側席南
望而快浮雲之蔽趙節東歸而詠零雨之濛又
曰法座想見其風采詔書相望於道塗云云時
論皆以爲允當崇寧初追奪元謚并定謚覆官

並罰銅二年六月言者再論忠臣得宮祠
東坡作儋耳山詩云突兀隘空虛他山揔不如
君看道傍石盡是補天餘叔黨云當作者傳寫
之誤一字不工遂使全篇俱病

王荊公書清勁峭拔飄飄不凡世謂之橫風疾
雨黃魯直謂學王濛米元章謂學楊凝式以余
觀之乃天然如此

武帝建安二十年冬十月始置名號至五大夫
與舊列侯關內侯凡六等以賞軍功名號侯爵

十八級開中侯爵十七級皆金印紫綬又置關
內外侯十六級銅印龜紐墨綬五大夫十五級
銅印環紐亦墨綬皆不食租此印決曹氏物也
表舅唐愬端仲見之亦以予言爲然乃賦詩云
關中金印豈秦關想見風流漢已還大饗似書
譙縣石蘭亭寧教會稽山空餘此日歸囊索魯
是當年雜佩環萬戶兄將取如斗此章何足繫
腰間後范左轄謙叔在方城以書求借舅氏不
與也

以則亦缺首簡

崇寧初既立黨籍臣僚論元祐史官云初大臣挾其私忿濟以邪說力引僂浮與其厚善布列史職毀詆先烈或鑿空造語以厚誣若范祖禹黃庭堅張耒秦觀是也或隱沒盛德而不錄若魯肇是也或含糊取容而不敢言若陸佃是也皆再譴降時舊史已盡改矣

王鞏定國為太常博士常從術士作軌革畫一堂廡庭中有明珠一枚旁置棊局未幾為御史朱光庭所抨得補外

東坡在海外瓊州士人姜公弼來從學坡題其
扇云滄海何魯斷地脉白袍或作未厓端合破天荒
公弼求足之坡云侯汝登科當為汝足後入廣
被貢至京師時坡已薨乃謁黃門於許下子由
乃為足之云生長間已異風流稷下古諸
姜適從瓊管魚龍窟秀出羊城翰墨場滄海何
魯斷地脉白袍端合破天荒錦衣他日千人看
始信東坡眼目長

國朝宗室例除環衛裕陵始以非袒免補外官

繼有登科者然未有為侍從者宣和五年始除
子崧徽猷閣待制繼而子植亦除八年又除子
櫟宗室為從官自伯山始然皆外任未有任禁
從者紹興三年始除子晝侍郎皆子字也然其
他字號未有也十八年始除不棄侍郎不字任
禁從自德夫始

香滿釣筒萍雨夜綠搖花塢柳風春舒
道詩也信道清才而詩刻削有如此者又有云
空外水光風動月暗中花氣雪藏梅又云宿
雨閣

雲千嶂碧野花弄日一村香人云萬壑水澄知
月白千林霜重見松高皆警句也

韓駒子蒼詩云倦鵲遶枝翻凍影征鴻摩月墮
孤音誠佳句也但太費工夫

浮休居士張芸叟父經遷既還鞅鞅不平嘗內
集分題賦詩其女得蠟燭有云莫訝淚頻滴都
緣心未灰浮休有慙色自是無復躁進意司馬
朴之室浮休之女也有詩在鄜延路上一寺中
一聯云滿地煙含芳草綠倚欄露泣海棠紅或

云便是詠燭者

紹聖初逐元祐黨人禁中疏出當責人姓名及
廣南州郡以水土美惡係罪之輕重而貶竄焉
執政聚議至劉安世器之時蔣之奇穎叔云劉
某平昔人推命極好章惇子厚以筆於昭州上
點之云劉某命好且去昭州試命一巡

杜子美玄都壇歌子規夜啼山竹裂王母書下
雲旗翻說者多不曉王母或以謂瑤池之金母
母也中官陳彥和言頃在宣和間掌禽苑四方

所貢珍禽不可殫舉蜀中貢一種鳥狀如燕色
紺翠尾甚多長飛則尾開顫裊如兩旗名曰王
母則子美所言乃此禽也蓋遐方異種人罕識
者子規夜啼山竹裂言其聲清越如竹裂也

鄱陽胡詠之朝散生平好道元符初嘗於信州
弋陽縣見一道人青巾葛衣神氣特異因揖而
延之對飲道人止取大白滿引無筭曰君有從
軍之行去否胡竦然曰當去蓋是時欲就熙和
河帥姚樵之辟也道人曰西陰方用師好去索

紙書詩曰濟世須應不世才調羹重見用鹽梅
種成白壁人何處熟了黃梁夢未回相府舊開
廷士閣武夷新築望仙臺青雞唱徹函關曉好
卷游幃歸去來授詠曰爲我以此寄章相公且
曰章相公好箇人又錯了路徑也詠叩其說但
云未可立談胡問其姓名亦不肯言曰吾非晚
亦游邊可以復相見夜艾詠曰先生可就共寢
曰吾歸卽中只在河下乃拂衣去明日遣人往
諸卽尋問皆云未嘗有道人因告縣令徧邑物